

SKUPŠTINA KANTONA SARAJEVO
MERSIHA MEHMEDAGIĆ

MINISTARSTVO ZDRAVSTVA

PREDMET: ZASTUPNIČKA INICIJATIVA

Molim Ministarstvo da osigura dosljedno provođenje Zakona o zdravstvenoj zaštiti FBiH (Službene novine FBiH, broj 46/10) u pogledu prava trudnica na zdravstveno osiguranje bez obzira na to da li su osigurane ili ne, te da se u svim poslovnicama Zavoda zdravstvenog osiguranja KS član 12. Zakona istakne na korisnicima vidno mjesto.

OBRAZLOŽENJE

Društvena briga za zdravlje ranjivih kategorija u članu 12. tačka 9) obuhvata „zdravstvenu zaštitu žena u vezi sa planiranjem porodice, kao i u toku trudnoće, porođaja i materinstva nakon porođaja, bez obzira na status zdravstvenog osiguranja žene, u skladu sa propisima o zdravstvenom osiguranju.“

U praksi imamo slučaj da trudnice ne mogu ostvariti svoje pravo, pa su u periodu intenzivnih pretraga i kontrola izložene velikim troškovima, (samo pregled u prosjeku košta 50 KM).

Umjesto da im ovjere zdravstvene knjižice i upoznaju ih sa pravima koja im pripadaju, uposlenici Zavoda zdravstvenog osiguranja KS trudnicama koje nemaju zdravstveno osiguranje najčešće savjetuju da nađu firmu koja će ih prijaviti pa odjaviti kako bi se mogle prijaviti na evidenciju nezaposlenih i ostvariti zdravstveno osiguranje po osnovu nezaposlenosti.

Na osnovu svega navedenog, tražim od Ministarstva da poduzme sve potrebne mjere kako bi se ispoštovao Zakon i eventualno uskladili propisi.

26.04.2017.godine

Zastupnica

Mersiha Mehmedagić